



幼幼新書卷第十四

熱風暑寒

熱風暑寒

後學古吳陳履端玉始輯

常熟嚴澍道時校

溫壯第一

巢氏兒藏府不調內有伏熱或挾宿寒皆搏胃氣足

陽明胃經主肌肉胃不和則氣壅澀故蘊積體熱為

壯兒薰黃臭腹有伏熱宜龍膽湯一切若糞白酢

臭挾宿寒不消服紫雙丸積聚輕者少服默除甚者

增令微利皆當節哺令胃氣調和若不節傷胃病

復腹滿再三利尚可多則傷兒

肘後

大黃分四

甘草炙

當歸

芍藥各二分

水一升六合煮八合分三服兒胎寒腹痛乳哺不時溫壯熱吐利不常諸驚掣縮二十五癩瘡發口瘡惡核目赤黃瘦變蒸用芍藥赤白各半如宣泄純赤生用二分疫癘溫壯肺邪寒熱用四分利小便用赤驚狂瘡疥目赤瀉血當歸肉多枝少氣昏者生二分欲血脈流暢不為瘡核及止腹痛胎寒

腹痛啼不已用四分如理寒熱破積解溫壯加大黃如牛舌緊硬用蜀中者欲宣蕩用河西錦紋生者四分下利二分甘草赤黃斷理緊而易折者炙二分虛熱邪氣大能安神定驚和而不寒故號國老冒寒邪加去節麻黃一分驚風反折戴眼掣縮加細辛四分中風加獨活二分

金竹葉湯主溫壯腹滿息不利或微腫亦主極羸食堅痞手足逆冷柴胡一有

竹葉升一

小麥升半

甘草炙

黃芩

舌婁根

澤瀉

茯苓

知母

白朮

大黃各一兩

桂心二銖

薑兩半

人參三兩

麥門冬

半夏各二兩

當歸十八銖

合分四服

咬咀水七升煮麥竹葉四升去滓內藥煎一升六

聖惠黃芩散治温壯或下後熱不除舌大不含乳胃

有痰口生瘡兼驚悸犀角散無硝蛻多掩子犀角治心神不安

黃芩

川大黃炒各一兩 鈞藤

甘草炙

川芒硝

各半兩 蛇蛻三寸炙黃

粗散一錢水一盞煎五分去滓入牛黃少許量温

服

牛黃散治温壯體常熱

牛黃

甘草炙各半

梔子仁

子苓

柴胡

龍膽各一分

細羅金銀湯調下不時服半錢量兒

胡黃連散治温壯常飲水

胡黃連

犀角

牛黃

龍膽

川大黃微炒

甘草炙

知母各一分

麥門冬焙半

細羅沙糖水調半錢量加減

牛黃丸治温壯及驚熱

牛黃

天竺黃

腦麝

熊膽各一分

犀角

胡黃連

郁李仁

山梔各半兩

研勻糯米粥丸如麻子不時薄苛湯下三丸量加

嬰孺雀糞丸治病後腹中不調飲食不節腹滿温壯

并客忤魚傷冷乳

雀糞

牛黃各一分

芩

芍藥

乾薑

甘草各二分

麝

小麥麩

大黃

當歸

人參各三分

末蜜丸麻子大一服三丸日三欲下五丸常將三

丸乳前後哺可加黃耆黃芩各二分炒

五味湯治下後身温壯胃有結熱

五味子三分

黃芩

柴胡

芒硝

麥門冬

石膏各二分

黃連

甘草

當歸各一分

大黃各四分

水二升七合煮一升三合去滓內芒硝再沸二百

日兒服三合日三夜一有痰必吐

壯熱第二

巢氏兒血氣盛五歲熱薰于外其發無漸名壯熱若不甚盛為溫熱溫壯相似伏熱者大便黃臭挾宿寒者糞白酸臭此藏府不調冷熱之氣俱乘腸胃蘊積漸染而發壯熱不歇變驚極重者成癇

錢乙論潮熱依時發熱過時即退欲發驚壯熱一向不已甚發驚癇風熱者身熱而口氣熱有風證溫壯但溫不熱

壯熱昏睡傷風風熱瘡疹傷食皆相似若未辨服升麻葛根湯惺惺散傷寒門小柴胡湯傷寒門惟傷食大便酸臭不化畏食或吐食宜下

莊氏壯熱有七

傷寒壯熱時時舌出繳唇

斑瘡壯熱咳嗽嘔聲唯耳鼻不熱不然噦逆也

風壯熱鼻兩邊胞一作動吸吸然甚者鼻生瘡手有

血紋

氣積壯熱早晨手足冷曉沉重困悶晚晡潮熱

虛積壯熱脚冷手不冷積在左肋右腮赤在右左腮赤

驚狂熱愛睡便仰卧妄語驚跳啼叫搖頭弄舌上竄

喉痺壯熱時時嗽思飲冷水喉痛時復小寒

千金治腹大短氣熱有進退喫食不安穀不化

大黃 黃芩 甘草 芒硝

麥門冬各半石膏一兩桂心八銖

咬咀水三升煮一升半分三服暮歲兒作五服

五物甘草生摩膏治新生肌膚嫩弱風邪所中或中

大風手足驚掣

甘草 防風各一兩 白朮 桔梗各廿銖

雷丸二兩半

咬咀不中水豬肪一斤煎膏內藥微火煎稠去滓
彈丸大一枚炙手塗摩百過無病兒早起摩顙及
手足心甚辟寒風

外臺白芷湯浴兒根苗亦得苦參亦佳

秦白皮一升煎湯澄清浴差冷洗赤眼亦效

日華子治壯熱一切瘡疥皮膚瘙癢

梓白皮湯洗秋梓佳

聖惠犀角散治壯熱口乾心煩不欲食

犀角

黃耆各一分

黃芩

麥門冬焙

柴胡

川升麻

甘草各半兩

粗散一錢水一盞淡竹葉七片煎五分去滓量溫

服

人參散治壯熱心神不安

釣藤

人參

川升麻

赤茯苓各半

兩

犀角

山梔子

甘草各一分

粗散一錢水一小盞煎五分去滓溫服

大黃散治暮歲至三歲壯熱

川大黃

兩一

石膏

兩半

柴胡

枳殼炒

黃芩

赤芍藥

梔子

知母

川升麻

杏仁

炒各三分

粗散一錢水一小盞清竹葉七片煎五分去滓溫

服

牛黃散治卒壯熱心肺煩壅

牛黃

甘草

各半分

黃芩

梔子

龍齒

犀角

寒水石

麝錢

細散竹瀝調半錢服量加減

譚氏

天南星

半夏

滑石各二錢

巴豆霜字一

細末麩糊丸如粟一歲三粒葱湯下

嬰孺竹瀝葛根湯治壯熱發疹尚熱

竹瀝升二合

生葛計五合

牛黃三黑豆許

月內兒服半合四五歲作四服

萬金釣藤散治壯熱驚悸大小便赤澀

釣藤

天竺黃

地骨皮絡一

茯神

犀角

龍膽

川芒硝

甘草

赤茯苓

各半兩

川大黃

炒三分

末一錢水一盞煎五分去滓溫服

趙氏人參保童丸治稟氣弱筋骨軟肌肉淺薄乳食

不成肌肉面黃體熱多汗

人參

石蓮肉

史君子

沒石子

乾山藥

當歸

白芍藥

白朮

各半

木香一分

黃連

一分半夏末一分同炒黑去半夏

切切新書

卷二

八

末稀糊丸如麻子服七丸三歲以上十九丸溫湯下
吉氏人參散治傷寒潮熱鼻塞頭疼亦治清涕壯熱

人參

茯苓

羌活

當歸

前胡

甘草

各一錢

麻黃

去節三錢

末半錢水半盞薑一片煎三分溫服

時氣第三

巢氏四時忽有非節之氣如春應暖而寒夏應熱而
冷秋應涼而熱冬應寒而溫其氣傷人病頭痛壯熱
與傷寒相似無問長幼病証略同此時通行此氣名

時氣世呼天行病

天行病發黃脾與胃合俱象土色黃候于肌肉熱入
脾胃其氣蘊積蒸發于外故黃

時氣腹滿熱入腹与穢氣相搏氣痞塞故腹滿毒氣
乘心煩懊者死

失時投藥不與病會致病連滯乍差乍劇或寒或熱

敗壞無常

寶鑑名
敗氣

日數未滿本當壯熱而邪不退其乘于陽爭則熱乘
于陰爭則寒陰陽之氣為邪所并互相乘加故寒熱

成瘕

時氣吐下後壯熱不歇是腸胃宿虛而又吐利則重虛其熱乘虛入裏表裡俱熱停滯不歇故雖吐下猶熱

時氣熱渴後不嗜食而面色青是胃中餘熱未盡氣滿故不嗜食諸陽俱上榮于面陽虛未復本帶風邪挾冷搏于氣血故面青

時氣熱退氣血未和藏府熱勢未盡或起早勞動或飲食不節病復多重于初血氣已虛重傷故也

寶鑑時氣歌

時氣皆因節令虧頭疼壯熱汗微微良醫若得看形候須作傷寒病有歸

時氣后大小便不通歌

熱毒還從府氣衝便成結熱在腸中身體苦煩多躁渴更兼便溺不能通

時氣躁渴歌

誰言吐下熱無餘只為元因藏府虛熱盛更虛皮肉澁至今煩渴躁難除

石壁經歌

夜熱天明又復涼都緣藏府有風傷只消將藥
醫脾藏脾一除次使神方瀉大腸患候但觀喉厭
動更看眼急赤臍頭光此病已傳瘟疫候若能
辨別是醫王

此內傷物外傷邪所致先散邪次去積主夜頭額

多汗口中涎響脾風故多言非出也鳳髓宜七寶

形證論緣飢過食冷滯脾胃氣不行諸經夜熱晝涼

先南星丸傷寒變三五服後間檳榔散煩熱則氣和

又瀕白丁香膏見未取或只磨積調氣不得便取恐難

止為肚大成疳疾

聖惠解肌湯治時氣壯熱頭疼咳嗽不食

麻黃去節杏仁炒赤芍藥 貝母炮

柴胡 葛根 甘草炙各石膏一

粗散一錢水一盞煎五分去滓不時量服

麥門冬散治時氣咳嗽壯熱

麥門冬焙 川升麻各一 貝母煨 甘草炙各

赤芍藥 杏仁炒各

粗散一錢水一盞煎五分去滓入淡竹瀝半合更煎一兩沸不時量兒溫服

葛根散治時氣頭痛體熱煩躁

葛根

麥門冬各三分

黃芩

赤芍藥

人參

犀角

川升麻

甘草各半兩

石膏一兩

散一錢水一小盞煎五分去滓不時溫服量兒

生地黄散治時氣壯熱咳嗽心胃脹悶乳食不下

生地黄

麥門冬

款冬花

杏仁炒

陳皮

去白焙各三分甘草炙半兩

粗散一錢水一盞煎五分入竹茹半合煎去滓不

時溫服量兒

葛根散治時氣煩渴腹中痞實

葛根

黃芩

柴胡各半兩

甘草炙一兩

川大黃

炒一兩

粗羅散一錢水一盞煎五分去滓不時溫服利為

度

蘆根散治時氣嘔吐不止

方乃所書

卷十四

三

生蘆根

人參各一兩

竹茹兩半

細剉服半分水一盞煎五分去滓不時量兒溫服

嬰孺治壯熱時氣驚悸并熱瘡

釣藤炙

人參

蚱蟬炙

子芩各一分

蛇殼三寸炙

龍齒四分

防風

澤蘭各二分

石蜜一兩湯成入竹瀝一升

切水三升煮七合量兒細服

錢乙人參生犀散解時氣寒壅咳嗽痰逆喘滿心忪驚悸藏府或秘或瀉調胃進食又一切風熱服涼藥

即瀉而減食者

人參三錢

前胡七錢

甘草炙二錢

桔梗

杏仁五錢

羅過每二錢水一盞煎八分去滓食後溫服

張渙方

風熱上盛浸淫胞絡

人參

生地黄各一兩

犀角

黃芩

柴胡各半兩

甘草一分炙

粗末服一錢水一錢薑二片煎五分去滓溫服

傷寒證八物麥門冬飲治天行壯熱咳嗽心腹脹滿

麥門冬三兩

甘草炙

人參各一

紫苑

升麻各二兩

貝母一分

服三錢水一盞茅根半握煎七分去滓八竹瀝少

許再煎服

吳藍飲療天行頭痛壯熱

吳藍

大青各二兩半

麥門冬

甘草炙各三分

茵陳一分半

梔子仁十五枚

服三錢水一盞八蘆根半握薑五片煎七分去滓

活人書水解散治天行頭痛壯熱一二日兼治疱瘡

未出煩躁或出身高熱

麻黃去節四兩

大麻

黃芩

桂心

甘草炙

芍藥各二兩

粗末生熟湯浴訖暖水調二錢相次二服得汗利

便差強實人服二方寸匕三伏中宜用春去大黃

朱氏人參散解利傷寒四時氣疫上焦虛熱心神恍

惚脾胃不和飲食無味口苦舌乾煩悶

人參

茯苓

羌活

獨活

桔梗

知母

麻黃去根節

枳殼炒

甘草 炙

川芎

陳皮 去白

白朮

厚朴 薑製

茱萸 水煎

桂心 不見火

前胡

削木

甘草節

等分末二錢水一盞薑棗煎七分要汗葱白豆豉

薑煎服嗽加杏仁麻黃兒入薄苛婦人止入薑嵐

瘡柳柢條二七節

溫病第四

巢氏冬時嚴寒人觸胃之寒入肌肉春得暖而發頭痛壯熱謂溫病又冬應寒而反暖其氣傷人即發亦

頭痛壯熱謂冬溫病凡邪之傷人皆觸胃而感之兒

雖不然乳母抱持解脫不避風邪寒熱之氣亦成病

巢氏溫病下利者腸胃宿虛熱入腸胃與水穀相搏

故

鼻衄者熱乘氣入血肺應皮毛主氣開竅于鼻溫病

則邪客皮膚而搏氣結聚成熱棄于血血得熱從鼻

出為衄凡發汗不出或從來無汗鼻燥喘鼻息有聲

此足衄兒衄至一升數合熱因得歇至一斗數升必

死

溫熱病四五日後熱入裏內熱腹滿宜下若下早裡
虛氣逆熱結胃上則滿短氣為結胃

仲景冬傷于寒春必溫病

醫局柴胡石膏散治時行瘟疫壯熱惡風頭痛體疼
臍塞咽乾心胃煩滿寒熱往來痰實咳嗽涕唾稠黏

柴胡

石膏

前胡

乾葛

赤芍藥

各五
十兩

黃芩

桑皮

荆芥穗

各
卅

半
七兩

升麻

廿五
兩

粗末二錢水一盞薑三片豉十餘粒煎七分去滓

選方元

稍熱兒三服

人參羌活散治溫邪寒邪溫病時疫瘡疹頭痛體疼
壯熱多睡及潮熱煩渴痰實咳嗽

人參

羌活

獨活

柴胡

芎藭

枳殼

麩
炒

白茯苓

甘草

各
一兩

前胡

桔梗

地骨皮

天麻

各
半兩

散一錢水七分入薄苛少許煎五分去滓溫服不

時

莊氏甘桂湯春間疫氣欲作先氣壅畏風痰嗽頭昏

功効所書

卷之四

七

幼幼新書 卷一 四
鼻塞困悶無問大小以此驅之

甘草 炙

官桂 皮去

五味子

黃芩

各半兩

柴胡 兩四

咬咀三錢水一盞薑五片煎七分去滓溫服

熱病第五

仲景論冬傷于寒夏為熱病

黃帝曰老人嬰兒熱病腹滿者死

聖惠冬冒寒氣入肌肉不即發夏為熱病

千金升麻湯治傷寒變熱毒病身熱面赤口燥心腹

堅急大小便不利或口瘡或四肢攣掣驚成癇時發時醒醒後身熱

升麻

白薇

麻黃

去根節

萎萎

柴胡

甘草

炙各半兩

黃芩

一兩

朴硝

大黃

釣藤

各六銖

咬咀水三升煮麻黃去沫內諸藥煮一升兒一兩日服二合量加

聖惠解肌散熱病頭痛口乾壯熱心神煩躁

麻黃

三分

葛根

赤芍藥

黃芩

升麻

甘草

炙赤各半兩

篩散一錢水一盞葱白五寸煎五分去滓不時溫

服量汗差

石膏散治熱病煩熱驚悸

石膏

川大黃

炒

甘草

炙各半兩

大青

黃芩

梔子仁

知母

萎萎

川升麻

葛根

龍膽

各一分

散一錢水一盞煎五分去滓不時量兒溫服

吳藍散治熱病頭痛心躁眼黃

吳藍

大青

蘆根

石膏

各一分

甘草

炙赤

麥門冬

去心培

黃芩

各三分

茵陳

梔子仁

各半兩

粗散一錢水一盞煎五分去滓不時量服

犀角散治熱病煩熱大小腸秘澀心胃悶亂

犀角

赤芍藥

黃芩

川升麻

梔子仁

地骨皮

甘草

炙各半兩

麥門冬

川大黃

炒各三分

篩散一錢水一盞煎五分去滓不時溫服量兒

牛黃散治熱病壯熱心煩

胡黃連

梔子仁

牛黃

甘草

炙各半兩

梔子

一兩

細羅散不時蜜水調半錢重服

張煥石膏散

石膏

白茯苓

葛根

各一兩

甘草

炙

黃芩

芍藥

各半兩

細末一錢水一盞竹葉薄荷少許煎五分去滓溫服

真珠散治熱病口乾心神煩悶

歷反虛微

真珠

牛黃

龍腦

各一錢

瓜根

茯神

朱硃

飛各半兩

馬牙硝

寒水石

各一

細末半錢蜜水調服

傷風第六

錢乙論傷風昏睡口氣熱呵欠頓悶大青膏

驚熱

發

散不解有下證大黃丸

未見

飲水而善食者微下餘勿

下

傷風自利

一有手足冷

脾藏虛怯當補益黃散發散大青

膏未差調中丸有下證大黃丸下後服溫驚丸

俱胃氣不

和

傷風腹脹脾藏虛當補喘發散仍補脾去脹塌氣丸

胃氣不和

傷風兼心驚悸兼肺悶亂喘息硬氣長出氣嗽兼腎

畏明各隨補毋藏虛見故也

傷風下後餘熱下太過胃中虛熱飲水無力當生胃

中津液多服白朮散

胃氣不和

傷風吐瀉身溫乍涼乍熱睡多氣粗大便黃白嘔吐

乳食不消時咳嗽兼見五藏証煎八藏君臣藥化大

青膏後服益黃散如魯下或無下證勿下此肺受寒

不能入脾

傷風吐瀉身熱多睡能乳飲水不止吐痰大便黃水

此胃虛熱渴吐瀉當生津液

白朮散

後用發散

傷風吐瀉身涼吐沫瀉青白悶亂不渴噎氣長出氣

睛露睛傷風荏苒輕怯因成吐瀉當補脾後發散二

証多在春冬

王訣歌

鼻塞傷風肺受寒喘欬驚啼卧不安頰赤口乾
頻發熱吐瀉邪攻藏府傳

先解熱後下涎次平胃

劉氏麥湯散治傷風傷寒壯熱咳嗽痰盛

麻黃

去根節薑汁浸一宿

知母

石膏

煨

葶藶

隔紙炒

地骨皮

杏仁

滑石

等分為末半錢小麥湯調服

莊氏方

京鼓葱生研作餅貼顙上有邪氣者鼓枕頭生研
貼

吉氏金箔丸治驚風妳食不化成外傷風壯熱氣粗
慢風搖頭口眼不開及赤白痢

金箔

卅九片

朱硃

水銀

膩粉

牛黃

青黛

蟬殼

姜蚕

麻黃

去節

白附子

蝎

天麻

酒浸炙

犀角

天南星

炮各二錢麝少

末煉蜜丸如梧子服二丸薄苛湯化下

傷暑第七

醫局香薷丸治傷暑伏熱躁渴脅悶頭目昏眩胃膈
煩滿嘔噦惡心口苦舌乾肢體困倦不思飲食霍亂
吐利轉筋

香薷

紫蘇莖葉

去粗皮

木瓜

各一兩

丁香

白茯苓

藿香葉

甘草

炙

檀香

各半兩

細末蜜丸每兩作三十九服一二九細嚼溫湯下
新汲水化亦得兒不時服半丸

張渙清膈飲治伏暑嘔吐

煩亂氣促

香茹

淡竹葉

焙各一兩

白茯苓

人參

半夏

湯洗七次焙

檀香

甘草

炙各半兩

白粳米

合一

粗末一錢水一大盞煎七分去滓溫如熱水時時
服

傷寒第八

巢氏云冒寒于冬入腠理搏血氣則發寒熱頭痛體
疼為傷寒又春應煖而反寒傷即發病為時行傷寒
兒多由解脫時久寒氣傷之診其脉一投而止得病

一日假令六投六止者得病六日脈洪易治細微難治

傷寒須解肌令腠理開津液為汗發泄其氣則熱歇無問長幼男女春夏宜汗脈浮大宜汗病在表故千金論時行疾疫之年兒出腹便患痲治其時行節度如大人用藥分劑少異藥少冷

聖惠傷寒勿用燥藥發汗燥極于藏府熱極傷心氣多厥不可治用寒藥陽受干冷冷熱相擊驚叫不睡熱衝腦頭縫開皮肉筋脈急脹不可治用熱藥助陽

也陽極則陰爭四肢汗出如油手足或熱或冷多狂顛驚瘈不可治

茅先生傷寒變蒸夾驚夾食中風所中傷寒各別根源用藥如傳變吐不止大小便不通大渴耳濃出身生赤痲心狂眼視臯口乾燥不治

漁東王先生兒傷寒可醫者七

臯內清水是傷寒臯肺竅身皮毛髮皆主肺涕流清水身寒毛立後身熱躁叫口乾冷汗寒邪傷正氣正氣軟弱不能主身被邪攻出故汗多令面黃無力若

不止則體生風宜補實

鼻塞是傷寒所受正在肺外邪傷肺之正氣榮衛滯而不通故鼻塞汗後更與通關藥

面赤是傷寒寒邪傷氣及邪入腹肺當旺不肖受邪肺受惠初傳心則虛而面赤口乾夜不卧陰陽相剋故日中可服解涼藥

吐白水是傷寒胃為寒邪所傷則弱而吐白水若吐食則入脾差後身發黃脾胃俱象土故黃宜早暖脾胃

兩眼黃赤是傷寒脾先受色黃次傳肝主眼共脾邪入肝令眼黃宜洗肝後發汗

小便黃赤是傷寒寒氣傷肺肺虛不受于心心以小便為府心實傳府受邪則滯榮氣而赤後尿如血通小便後取

不可醫者七

傷寒面黑不治寒氣傷皮膚即入肺肺傳腎腎主水水屬北方色黑設傳心心屬火水大能剋火故面黑不治

傷寒大小腸痛不治寒傷肺肺以大腸為府藏不能受倒傳入一藏載傳入心則火剋金心將小腸為府故大小腸痛

傷寒忽作鷓聲不治肺主聲寒邪傷肺則絕故聲出不迴

傷寒叫聲不出不治傷寒入腎失解腎絕不能作聲死

傷寒糞黑不治大腸肺之府寒邪傷肺肺絕不能行血血色黑從大腸下如灰鷲鴨血者死如無赤黑不

妨是熱盛宜涼藥

傷寒爪甲黑不治肝主筋爪甲筋之餘傳肝邪勝正氣肝絕不能榮爪色黑死

右皆邪氣傷藏府滯其血氣則寒熱血脈亂不能飲食頭痛面赤為陽毒面青不語多哭身寒為陰毒凡

傷寒三日前宜汗三日後宜轉又言陰毒宜迴陽先熱

藥后陽毒宜解先涼藥后汗有初便宜轉汗有三兩日后宜汗勿拘

活人書序尋常風壅發熱鼻涕痰嗽煩渴惺惺散主之咽喉不利痰嗽鼠粘子湯瘡疹頭額身溫熱大便

黃赤腹中有熱四順散溫壯連翹飲三黃丸頭額身

體溫熱大便白酸臭胃有食積雙丸主之兒無異疾

雖飲食不節心腹脹滿身熱頭痛雙丸悉治身體潮

熱頭目碎痛心神煩躁小便赤大便秘此熱劇宜洗

心散傷寒大小便不通調胃承氣湯主之傷寒自汗頭疼發熱

而俚人惡寒傷寒証主升麻湯傷寒口瘡無汗麻黃黃

芩湯有汗升麻黃芩湯皆要藥尋常不可過當服涼

藥胃冷虫動証與驚類須進驚藥加腦麝遂吐胃虛

成慢驚兒有熱証方可踈轉慎用丸藥當以大黃川

芎等吹咀作湯以蕩滌蘊熱用巴豆乃攻食積之丸耳

楊大鄴兒傷寒瘟疫者神氣雖圓性情未定衣裳不

擇厚薄或恣情脫著嬌縱不常生冷任意因致頭疼

氣促發熱增寒或飲多尚渴或虛汗連連精神噉唾

又綿繇用藥須精審根源細察表裡仍着脉體未可

便下切知虛實消息藥分在意處方

兒傷寒分數類一兼驚者因患驚風三日後治驚退

四五日忽嗽息粗面色恍惚變動渴不止急治脾宜

下麥湯散見未平胃丸噦逆附子散虛寒不得下冷藥

恐水脾氣伏熱不退二挾實者因兒肥實吃食傷飽

閉却胃氣其候嘔逆唇紅面赤如曾吐嘔必頭痛或

瀉用鮓湯丸急慢通利後勻氣散和胃氣不麥湯散夾

服驚氣者氣膈脹咳嗽涎響煩躁藏府疼痛夢中虛

驚先用烏犀膏風熱滾涎次麥湯散及大驚丸驚門切

夾服至兩日下鮓湯丸通利一二日氣行後常服醒

脾平胃藥如遍身生黑黯血所謂爛斑不治三溫壯

者渾身微熱面紅常睡微汗因客風吹着毛竅冷氣

急鼻塞大段與變蒸相似只麥湯散與紅綿散瘡疹已出

未出門治之

小方論傷寒因三陰三陽受病與諸熱疾皆同惟傷

寒眉聚呻吟宜麥煎散

茅先生初受傷寒候歌

小兒傷寒身壯熱面赤唇紅眼赤黃身上寒毛

初凜凜更兼冷汗潤汪汪鼻中清涕涓涓涸小

便如粉又如採上喘鼻塞將加嗽口乾嘔逆是

尋常

死候歌

傷寒吐不止便逆是難通汗后發熱渴耳中瘡
潰膿身上斑黑點臯丘出傾筒咳嗽四肢厥心
狂下所攻體軟睡不寤腹脹喘聲雄手足心熱
痛此候命須終

玉訣歌

臯中清涕肺傷風寒氣相傳臯不通壯熱脉浮
生內熱發驚涎盛轉加濃

先治風次下涎次調胃氣

石壁經正受傷寒候歌

傷寒初得渾身熱惡哭多啼無喜悅眼紅臉赤
類驚風却被醫人道驚熱但須涼膈莫令渴渴
便飲水無休歇若將三黃飲子服汗出身輕便
不熱

風邪傷肌汗閉熱氣內蘊致煩躁多渴喘嗽發熱
若服冷藥使汗不出反作別候須先出汗次涼膈
愈不然惕脾慢驚緣此得之

千金芍藥四物解肌湯

芍藥 黃芩 升麻 葛根各半

吹咀水三升煮九合去滓周歲兒分三服瘡疹傷寒瘟疫

疑似 治夏月傷寒四肢煩疼發熱嘔逆滿劇如寒熱相搏七物黃連湯

黃連 茯苓 黃芩各十銖 芍藥

葛根各一兩 甘草各一兩 小麥三合

吹咀水七升煮三升分三服服後胃中熱及咽喉痛皆差明日更進一劑此無毒但除熱下氣安

病人

水鑑治兒百日内壯熱

鑿鐵一斤燒赤水二斗淬三七遍煎

油胡麻粒三七 松柏葉枚二七 牙硝 乳香各一

金箔片 白芥子粒三七

散蜜丸彈子大青物裹一丸如燒香法裏兒雙足微汗差

兒三歲內傷寒陰陽二毒因母毒氣所致庸醫見壯熱不食多睡便與冷藥物兒轉加甚蓋藥熱動風藥

切切所書 卷十四 母丸

寒嘔逆宜走馬散

大黃

醋煮一兩水

乾地龍

粒一

牙硝

分一

末研三百下陰乾再研薑汁調灌驗量之

聖惠治傷寒壯熱頭痛射干散

射干

甘草

炙

川升麻

杏仁

炒

赤芍藥

石膏

各半兩

麻黃

去根節三分

桂心

分一

羅散服一錢水一小盞煎五分去滓不時加減溫

服

犀角散治傷寒頭痛壯熱

犀角

黃芩

川大黃

炒

赤芍藥

麻黃

去根節

苦蕒根

各一分

柴胡

石膏

各半兩

粗末水一盞煎五分去滓量兒溫服

聖惠治傷寒心胃壅悶煩熱頭痛前胡散

前胡

兩半

石膏

兩一

黃芩

赤茯苓

枳殼

炒炙

甘草

炙各一分

羅散每一錢水一小盞煎五分去滓不時量兒溫

服

附子散治中風傷寒眼合手足厥冷口出涎啼聲不

刀方新書

卷一百

三十一

出齒噤或時躁悶

附子炮

葛根各半

蜣螂淨

人參

桂心各一

羅末服一錢水一盞薑少許煎四分去滓分二溫

服量增減

桔梗散治傷寒頭熱足冷顛門張多躁啼不睡小便

赤四肢熱

桔梗

葛根各半

附子炮

甘草炙各一分

羅散每二錢水一盞薑少許煎五分去滓不時溫服量加減

知母散治傷寒體熱煩躁

知母

甘草炙

杏仁炒

麻黃去根節

粗羅服一錢水一盞葱白二寸香豉三七粒薑少

許煎五分不時溫服量兒增減

抵聖丸治傷寒五目不語熱在胃中

犀角

麻黃去根節

黃芩

釜下黃土

梁上塵

竈突墨

各半兩

川大黃

炒

朴硝

各一兩

末蜜和搗二三百杵丸如彈子服不時新汲水研
一丸如渴飲新汲水當有汗末汗更服汗止熱退
能語兒量服

靈苑紅綿散治寒傷壯熱解表效

黃麻

兩半

乾蝎

個七

天麻

甘草

焙各一分

末一錢紅綿一片摻藥綿上薑一片棗半個煎半
盞冷服

殊聖解交飲

初得傷寒兩日間作時壯熱四稍寒朝來還似
依稀差至夜猶然夜火焚

元明粉一錢加紅粉散二錢分四服茶調下次服
救生丸無辜門及真珠散客忤門

嬰孺當歸湯治傷寒發熱服解肌湯不除宜此

當歸

桂心

甘草

炙

黃芩

芍藥

人參

乾薑

各一兩

大黃

三兩

切水三升煮一升去滓下芒硝一兩再煎三兩沸
三百日兒服半合量加減利為度

治傷寒寒熱不休不能服藥浴湯

莽草

丹參

肉桂

菖蒲

蛇床子

雷丸

各三

水三升煮十餘沸適寒溫浴兒

又方

葛根

麻黃葉

人參

甘草

桂心

薑

水六升棗十枚煮二升百日服一合量增取汗

汗出溫粉粉之

麻黃湯治傷寒寒熱往來

麻黃

牡蠣

雷丸

乾薑

桂心

枳殼

厚朴

白欬

大黃

蜀椒

豬脂一斤杵熟入絹囊炙微熱摩兒腹背手足汁

盡絞摩訖粉之厚衣抱汗出宜春夏秋冬勿用

漢東王先生治單傷寒及夾驚傷寒紅綿散

麻黃

全蝎

甘草

大黃

焙

白附子

蘇木

天麻

刀切新書

卷十四

廿三

末嬰兒一字二三歲半錢水半盞綿臙胎萱子同煎十數沸如無綿裹藥候綿紅色服

治嬰孩變蒸及傷寒温壯斑瘡水痘夜啼驚叫諸驚餘熱口瘡小便赤七寶輕青丹

螺頭青黛兩半 葛粉

鈞藤炒

天竺黃各一

分

白附子三字

丁香炒一字

麝半字

鈆錫錢二

末粟米糊丸菜豆大嬰孩一九分三服量加薄苛熟蜜水磨下

張煥羌活湯治傷寒解利邪氣

羌活

防風

川芎

人參各一兩

葛根

川升麻

犀角

甘草各半兩

羅細末服一錢水八分薑二片薄苛三葉煎五分

去滓温服

治傷寒四五日邪熱不除前胡散

前胡一兩

甘草炙

桔梗

半夏湯洗七次

黃芩

柴胡

人參各半兩

細末一錢水一盞薑二片棗一枚煎五分去滓温

服

良方治傷寒風痲小黑膏

烏頭

天南星

各一枚大者燒赤入小瓶濕紙密口火滅刮存中白者

薄荷

玄參

各五錢

蜜和葱白湯調豆許服筋緩急加乳香煎

活人書治一切熱連翹飲

連翹

防風

甘草

山梔仁

等分散二錢水一盞煎七分

治吐血黃疸及腹中熱三黃丸

黃連

三兩

大黃

一兩

黃芩

二兩

細末蜜丸如梧子白湯吞十五丸兒減

治傷寒無汗頭疼發熱惡寒麻黃黃芩湯

麻黃

去節一兩

黃芩

赤芍藥

各半兩

甘草炙

桂枝

去皮各一分

細末二錢煖水調服日三煎治天行熱氣痘瘡不

快益煩躁昏憤或出尚身疼熱

治傷風有汗頭疼發熱惡寒升麻黃芩湯

升麻

黃芩

葛根

芍藥

各三錢

甘草半錢

劉如麻豆二錢水一盞煎六分去滓溫服時行瘡

豆出不快煩躁不眠加木香錢半

治身熱頭疼食飲不消腹脹滿或心腹疼痛大小便

不利或下重數起未差可再服兒蒸候哺食減氣息

不快夜啼不眠腹內不調宜下雙丸

巴豆六粒出油晒如霜

麥門冬二兩

甘草一分甘遂一分

朱砂錢

牡蠣煨二兩

豉核仁四兩

細末合搗二千杵更入蜜搗極熟旋丸二歲服如

麻子分為一雙量兒加減雞鳴時服日出時不下

熱粥飲進數合即下藥皆準出利甚冷粥飲止

聚寶治驚風及四時傷寒壯熱唇口焦乾兩目翻露

搐搦昏迷紅龍散

龍齒 鉛白霜各二錢 朱砂半錢 龍腦許

天南星水浸七日日換切晒五錢

細末食後蜜水調半錢服

王氏羌活散治四時傷寒熱病時行疫癘山嵐瘴瘧

早晚中露霧及暴中風寒不論陰陽症候老幼虛實
並宜汗出安

川羌活

獨活

前胡

柴胡

川芎

桔梗

枳殼炒

白茯苓

削木

防風各一兩

細辛

官桂

甘草

炙各半兩

細末三錢水一盞薑三片棗二枚煎八分和滓熱
服三服汗出兒加減不及煎熱酒調亦可
丁時發治傷寒咳嗽紅綿散

麻黃

去節半兩

天麻

全蝎

甘草

人參

白朮

各半錢

末半錢水六分葱白一寸紅綿棗煎四分服

治傷寒一二日頭疼發熱增寒身體疼痛

麻黃

湯浸焙

石膏

各一兩

蒼朮

山茵陳

桔梗

甘草

炙各半兩

末二錢葱茶調服兒小減

鄭愈治傷寒壯熱宜汗浮萍散

浮萍

麻黃

京芎

天麻

各二錢

未二錢薄荷酒調服震出汗

顛風傷寒第九

茅先生兒氣急喫乳不得身溫熱臍塞此因顛未合
母抱睡臍氣衝着顛故臍塞葱涎膏塗顛後磨鎮心
丸氣通愈

貼顛葱涎膏

猪牙皂角 天南星 赤小豆

等分為末葱汁塗顛次塗臍孔

兼治諸驚鎮心

朱砂 白附子 白蟻蚕酒 蟬殼

茯神各半 全蝎去尾丁一分 腦麝隨意

末薄荷汁丸如雞頭銀朱拌腦麝衣金銀薄荷湯
磨一丸服

夾食傷寒第十

茅先生兒大熱嘔逆肚臃上渴泄瀉因食物傷五藏

結實所得青金丹下三四次夾驚傷寒門 醒脾散一胃和

一慢脾風門 勻氣散胃氣不和 與服如咳嗽麥湯散夾驚傷寒門

調理愈

漁東王先生夾食傷寒與單有積候稍異從膝下熱者為單有積必潮熱取之即補渾身熱面青是夾食傷寒先理傷寒后取並審度用藥驗

夾食傷寒者面青吐逆渾身熱或渴煩躁頭疼宜水

精丹天明取下觀音散胃氣不和三二服補後下薄苛

散三二服解寒氣餘熱未退七寶輕青丹單傷寒門間入

參散調理

石壁經歌鳳髓与坏煎散表夾驚傷寒門烏犀膏取急慢驚門

夾食傷寒先自熱內中有物傷形節鳳髓羨自驚身有

熱那更傷寒來相接面上紅斑有似丹開口時時生躁渴

先表次取一兩行藏府調和自安悅

此氣血弱食物滯脾胃使肌肉或面如豆大或如

指赤斑點主夜不眠多渴着輕重先取積次和胃

退熱再看證調理

漁東王先生水精丹治夾食傷寒又虫積食積胎積

驚積又惡物食傷

天南星錢一 滑石錢二 水銀粉錢半 蕪荑仁一百片

巴豆五十粒

先研巴豆次蕪荑次衆藥爛飯丸粟大服三五丸
歲數加減米湯泡葱空心吞下膈上有食吐出膈
下有食瀉下忌生硬果肉等卧時服

人參散治夾食傷寒取後補虛調胃進食止吐瀉

人參 蓮肉 茯苓 黃耆

甘草 錢二 茯苓 各一 黃耆 蜜炙 半兩

末嬰孩一字二三歲半錢水半盞棗半個煎十數
沸服

夾驚傷寒第十一

巢氏寒氣客皮膚搏血氣腠理閉密氣不宣泄蘊積
生熱故頭疼體痛而壯熱蕪驚者是熱乘心心主血
脉兒血氣軟弱心神易動為熱所乘故驚不止變驚
癇

漢東王先生渾身壯熱心躁發渴睡裡多驚手足不
定頰赤眼腥瞪也直視小便赤宜薄苛散 夾食傷 寒門 輕青

丹 單傷 寒門 各三二服間調胃藥 夾食傷 寒門 更進七寶牛黃

丸治驚及金連散三二服退熱不退變驚風

玉訣傷寒驚搐歌

傷寒驚搐即生涎胃熱乘虛遍體斑頰赤口乾
脾受熱涎高風盛發狂言

此風盛太過先解涎實者下之傷冷溫之熱即利
之利涎調氣無誤

傷寒熱病胃邪攻燥渴頻頻面色紅本是先傳
心與肺急須解利治驚風

此寒在表宜芫煎散次烏犀膏利涎急慢又調榮
衛忌熱藥

石壁經歌

脚冷頭燒氣不和漸生喘急愛眠多有時夢裡
須頻搐極嗽生涎不柰何吐沫且汗方為妙解
熱消痰去久痾汗出除驚方已疾其餘平藥且
調和

先調氣次發汗和解解即涼膈涼膈涎自化涎化
搐自任

形證論如先傷寒退傷寒先驚退驚用南星丸

傷寒變疹

門有餘熱大青膏

未見大青丸急慢驚門

退傷寒與解表散

驚慢

門後調胃散

積熱

係生論傷寒夾驚脉浮洪兒內停冷乳色嚼之食外
冷風傷于腠戶令面黃頰紅鼻塞氣喘身上寒毛起
鼻流清涕咳嗽噴嚏煩躁吐食頻多下泄小便如粉
皆傷寒候若睡中驚擲狂叫卧不安穩是夾驚傷寒
宜煎散三服出汗次鎮心丸一驚門切只大喘啼叫是
傷寒正候宜三黃散單傷寒門三服次麥湯散
博濟方治驚風傷寒四五日無汗搖頭揚手上竄多
啼叫不睡吃水不休鉛白霜丸

鉛白霜

朱砂

馬牙硝

人參

天竺黃
末蜜丸如梧子服一九蜜湯化
茅先生廻陽散

天竺黃

甘草

炙各半兩

山梔子

一兩

蒼朮

一兩米泔浸一宿

甘草

炙

白朮

炮

陳皮

去白各半兩

木香

大附子

炮去皮各一錢

朱一錢鹽湯空心點服可夾傷寒藥更看形候

麥湯散

知母

人參

茯苓

杏仁

去

肉桂

石膏

滑石

甜葶藶

甘草炙

地骨皮分等

麻黃去節加

末一錢看大小麥煎湯調服依形候調理

張渙金泥膏治傷寒邪熱藥心兼發驚

菖蒲九節

遠志

釣藤各一

人參

草龍膽

甘草炙各

擣羅次用

水銀分一

金箔廿片二牛黃

麝各一

用銀石鍋水二升入諸藥慢火熬至一升新綿濾

滓下酥四兩蜜半斤金泥柳枝不住攪熬膏磁合

盛每一大豆薄苛湯化下

祛風鎮驚及傷寒夾散防風天麻膏

防風

天麻

人參各一

甘草炙

白蟻蚕

乾全蝎

白附子各半

細末次用

朱砂飛一

牛黃分一

麝錢一

拌勻蜜丸阜子大服一粒薄苛湯化

玉訣治夾驚傷寒解發汗坯煎散

全蝎

川烏炮去

甘草炙

朱砂

大黃炮

羌活

川芎

麻黃去節

天麻浸酒

白蠶去絲分

腦麝各少許

末一錢入坯子五粒葱白半寸煎三四沸通口服

二三服出汗

石僻經白附子散

白附子

朱砂各三分

全蝎分半

黑附子炮

雄黃

羌活各半兩

石膏七錢半

麻黃去節一兩

腦麝隨意

末半錢或一字薄苛臘茶湯調服如熱再服

鳳髓經坯煎散治夾驚傷寒壯熱睡中驚擲咳嗽煩

躁泄多

川烏頭炮半兩

大黃蒸三錢

雄黃

白附子

甘草炙

川芎

天麻

蠶蚕各一錢

麻黃去節四錢

麝許少

末半錢加至一錢半水半盞入坯子三粒葱白半

寸煎數沸溫服如出汗併三服

保主治變蒸伏熱傷寒效嗽噴嚏體熱面赤麥湯散

麻黃去節

滑石

甘草

杏仁

大黃

牝葶藶

地骨皮

等分細末一錢減至一字小麥薄苛湯下

劉氏治夾驚傷寒吐逆躁悶熱渴夜啼不睡常服温

平鎮心不涼過百日常服不妨紅綿散

全蝎

人參

白茯苓

天麻各一分

麻黃去節半兩

大辰少錢

細末一錢水少許薄苛葉同煎十沸温服

吉氏治驚胃虛吐後搐搦眼唇俱青不進飲食是夾

驚傷寒沒石子膏

沒石子生三個

人參

訶子炮

白朮各二錢

丁香五七個

甘草炙半兩

香附子去皮七個

末煮猪肉熬研丸如梧子不進飲食白朮湯下

治夾驚傷寒鐵刷散

麻黃去節根一兩

甘草炙半兩

細辛半兩

石膏

葶藶

青皮各一分

杏仁十一個

末外風把定閉竅三二日面黃白壯熱發渴此傷

寒候三五日內心藏熱面赤唇紅多躁壯熱熱極

生涎即夾驚傷寒下異攻散二服紫蘇木瓜同此

半錢水一盞薑三片煎四分溫服頭面微汗寒不
 退如壯熱煎勝金散如壯熱後多睡更煩躁口乾
 手足冷是外風把定關竅用綿煎散汗出竅通用
 下異攻散和胃氣不和氣更服此解傷寒
 治傷寒退熱綿煎散

麻黃

去節

天麻

紫蘇

南星

油煎

蠶蚕

各半

未末兒傷寒驚風壯熱面熱沉困頭疼不進飲食水
 一盞藥半錢綿一片薄苛湯調服睡時更煎鐵刷

散無驚二日進二服效

朱氏天竺黃散

白蠶蚕

鬱金

蟬退

甘草

天竺黃

山梔子

等分末半錢金銀薄苛湯服

丁時發乳香膏治夾驚傷寒壯熱涎鳴風熱壅盛鎮
 心化涎退熱定搐

朱砂

鈎白霜

天竺黃

葛粉

人參

茯苓

各半

天麻

甘草

各錢

白附子分一 乳香錢二 牛黃 腦麝各半

細末蜜丸梧子大薄苛湯化下二丸

鄭愈無惜散

宣紫背浮萍錢一 犀角錢半 釣藤鈎個三七

末半錢蜜水調服連進三服汗為度常服佳

景記

幼幼新書卷第十四 元善堂雕



程